



Decisiuns dalla radunanza communal Surses

La radunanza communal Surses digls 25 d'avregl 2022 ò

- decidia cun 127 vouchs e sainza cuntervouch da surpiglier la societad da mantignamaint Salouf cun vigour regressiva sen igls 31 da december 2021 e d'annullar igl madem mument igls statuts dalla societad cun tot las disposiziuns tgi sa basan sen chels. Igl Uffezi d'agricultura e geoinfurmaziun digl Grischnun ò er d'acceptar la surpigliaida;
- decidia cun 125 vouchs e sainza cuntervouch d'annullar la lescha digl anteriour cumegn da Riom-Parsonz davart igl mantignamaint dallas ovras da migliuraziun e da tot las disposiziuns tgi sa basan sen chella lescha cun vigour regressiva sen igls 31 da december 2021;
- decidia cun 129 vouchs e sainza cuntervouch da conceder a Pirmin Cotti igl dretg da biagier per ena surfatscha da 3'527 m2 dalla parcella da cumegn nr. 9958 (parcella da dretg da biagier nr. 9959), Tgapeter, a Mulegns;
- decidia cun 123 vouchs cunter 2 vouchs d'approvar igl credit supplementar brut da CHF 450'000.00 per la compra da ramplazzamaint d'en auto-stgela d'ocasiun per igls pumpiers da Surses;
- decidia cun 117 vouchs cunter 4 vouchs da conceder alla cjo SA ena contribuziun da promoziun unica à fonds perdu da max. CHF 240'000.00 per sanar igl hotel Danilo a Savognin;
- decidia cun 82 vouchs cunter 37 vouchs da conceder alla Nova Fundaziun Origen ena contribuziun da promoziun unica à fonds perdu da max. CHF 263'000.00 per sanar igl Post Hotel Löwe a Mulegns.
- piglia cunaschientscha dallas infurmaziuns davart igl stadi da realisaziun dallas maseiras fixadas aint igl maletg directiv Surses 2030;
- piglia cunaschientscha da diversas infurmaziuns.

Igl protocol dalla radunanza communal digls 25 d'avregl 2022 ò da neir publicitia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igls figls uffizials digl cumegn.

Tinizong, igls 25 d'avregl 2022

Suprastanza communal Surses